

虛白齋存藁



月

虛白齋存藁

山陰 吳壽昌 泰交

冰銜集上

起巳丑
訖癸巳

盆梅

全穆齋夫子命賦



冷藥疎香著意栽定州苑內絕纖埃一枝正及寒時貯
十月曾從嶺上開儘許橫窻風暗襲不辭出窖火新催
玉堂相對陪清賞調鼎他年未易才

元旦早朝 太和殿恭紀二十四韻

歲籥初占泰星杓正指寅

是日
立春

昌期三朔會令節

九重新榜旭升時曙盤莖滴處勻闔扉圖鬱壘排仗衛

句陳

法駕稽蒼輅宵衣惕

紫宸順時先式夏布德遂班春

堂祀蕭煙炳

慈觴玉醴醇平階符有道開域壽無垠受賀尊龍卷來

王禮雁臣宮鴉燃炬散輦象控鈎馴蓋葆繽紛羽常旒

燦爛辰諸藩依釳城爾位視青珉駿肅鞭鳴始春容鏡

吹頻唱臚聞

國語通籍見儒珍拜九仍周典呼三邁漢巡綴翎紛耀

首謁毳稱章身氣煦天開霽飈微境絕塵似優啗卉服

時見高飛人冠服俱以似優西之

難老訝仙真

欽賜司業百十三歲老人王世芳隨班進

賀行

拱闕義娥迴懸書雨露均迂踈叨珥筆清切忝垂

紳宿酒辭重碧晨蔬貯五辛行隨班濟濟頌第藻彬彬

車鼓宜傳里階干好紀旬夔龍鳳池上早喜沛

恩綸

徐鐵崖同年伏日招飲

主人愛客竟忘疲不減調冰雪藕絲蠟樹尚燒深夜後

觥船先引未晡時魚逢伏雨催筵急翻恐庭花障步遲

一自醉歸艱更憶腰胸方法盡新奇

韋母張太孺人七十

虛白齋在...
罨畫溪山好曾停玉女驂為星指天上幾曲住城南珂
里人如鳳璇閨職是蠶應勞銀管述荼苦最能甘
設悅當年事從容到古稀對眉虛玉案捧檄得斑衣膳
潔蘭陔近陽回葭管飛年年北堂上慈蔭普春暉

題同年陳青柯比部抱琴出深林圖三首

曠士有高寄雅人無俗心幽篁長嘯罷鏗爾尚遺音落
落絲桐古蕭蕭林壑深披圖重把臂塵外試招尋
清音託山水相賞未應稀共飲舊游在無絃時調非四
圍風谷應百道石泉飛是處移情否憑君說化機
亦有鄉園夢烟梢長萬竿無因留客共那計問人看古

屋白雲塢扁舟明月灘歸來舊時操同向夜深彈

李宜人民覺羅氏貞烈詩

婦性烈婦身潔婦生輕婦節明不見白山名媛天邊姓
藁砧出牧魚軒盛綏綏官閣梁狐雄蠱人突入空房空
媒詞嫚語以死報何物狂且逞強暴抽刃衝其胸電閃
霜為飛糝糊手中血濺地復塗衣填膺有餘憤畢命懸
羅幃人生忍辱由畏死苟活草間真足恥不朽之骨千
載芳

九重褒典烏頭光吁嗟乎婦節明婦生輕婦身潔婦性

烈

題同年劉純齋庶常潞水橋灣圖

螺水鮑邱名舊諳東西匯注流泓涵地邇郊畿控形勢
直通飛輓勞丁男千艘萬艘到街尾往往邪許相咕喃
天橋灣下最稱勝迴斷塵境開澄潭天影平臨盪雲氣
山光遠浸交烟嵐鋪岸柔茵碧蔥蒨覆隄長縷青氍毹
尤宜消夏領幽趣瀉汀蘆渚藏清酣誰云北來乏煙水
此鄉豈殊江以南我昔計偕偶經宿客舟小泊慳窮探
數年輾轉混人海忙應官鼓妨朋簪出籠高舉羨野鶴
乍爾密裏吟眠蠶城南近游亦罕續矧須信宿遲歸驂
知金才子家住近獨占清景情深耽為徒烟波不在釣

盡買風月非關貪有時客至興予發攜泛野航受兩三
灤鯽膾銀細堆案涑醞拈碧濃傾甌即今蓬瀛已身到
猶誇勝事資雄談舉圖觀客勞指畫彷彿過眼重開函
魚罾蟹斲細可數虹梁雉堞紛相參巧收遠勢歸尺幅
淋漓元氣空中含平泉草木可成記米老海岳宜名庵
雙眸已飽意未足如嘗諫果生回甘劉君劉君我亦有
家鏡湖曲酒狂放權餘狂憨苦向長安住僦屋彈指蒼
鬢垂鬢髮夢還巖壑懼騰笑盟負鷗鷺愁貽慙吾廬吾
曹俱可愛閉門却掃誰所堪安得逢君休沐拉偕往肯
辭策蹇緩步隨驂驪

贈百十三歲老人王司業南亭先生 名世芳字徽德天台人

人

國家太平古無比仁壽紀年百餘矣弧南一星位丙丁

牛斗之墟夜芒指翁家天台瀕小海風俗淳樸致堪喜

是間淑氣厚鍾毓特為盛時彰瑞美百齡孝子翁先人

見更老榮鄉里 翁尊人名永沂有孝行壽百有三歲授官八品 諸孫膝下羅

叢 翁見孫六代 共享期願克家子 翁子長者年近九十 自言少時膽

氣粗報仇夜斫賊營裏裏瘡不辨血糝糊至性所生非

聊爾中年折節伴螢蠹兀兀窮經作髦士揮金但學管

寧鋤决踵肯慙原思履闌干首宿廣六疆九十六齡得

官始秩滿朝天獲晉秩其時歲適逢辛巳次年

屬車莅吳會率先黃髮清塵俟耆儒屢邀

天語褒綽楔

宸章鈐寶璽過來

國慶正稠疊率土普天皆鵲起去年翁至坐蒲輪親祝

聖齡習拜跪篋貯

上方麟趾金衣裁

內府鵠頭綺今歲

慈寧開八表翁切呼嵩復至止香山圖繪今昔同

天子推仁首尚齒再看頭銜

賜新換

御題榮寵沾蕃祉優禮無殊隆憲乞懿嘉洵足著悖史

翁為人瑞古所無如雲五色芝三藥長身七尺清且癯

行不支筇坐不几擘窠書成慣贈人箕疇一壽義取此

翁多書壽字如擘窠大山程水驛詎云遠十年三踏長安市長安

紛紛聚冠蓋識面錢鏗與李耳我生四十猶壯年視茫

髮蒼負強仕苦求急景免凋顏每乏竒可學洗髓對翁

長松古柏姿蒲柳凡材安足擬吾聞天台山高四萬八

千丈中有石室金庭共列巍第一洞天記道書草多長

生藥不死欲從翁覓翁不言但言神仙之術荒唐非吾

以乃知壽民關壽國導引延年無其理不然正當

王母介福

帝臚歡豈無控鶴驂鸞先翁降金妃

家翼堂前輩七十四首

海內尊模楷如公復幾人鐘鏞東列序星斗北瞻辰國

士知名舊耆英結社新天都山水窟游賞最怡神

服鄭研經士徐劉應詔才壽長多獨擅具美已兼該妙

手雕龍得明眸索駿開文芒耀奎壁未用羨三台

復繼蓬池跡兼題粉署名謂令嗣淡人少尹芝蘭皆國

瑞簪紱自家聲獨領閒居樂爭高晚節榮一觴來繞鄰

虛白齋存藁
斟雉笑錢鏗

共仰松筠節經寒詎改柯田廬息機早歲月著書多遐
算期難老隆名志不磨還從杖朝日聽取紫芝歌

送同年鄭八楓人分守建寧

京雒知交在風流數鄭虔除官欣共目舍人前與予奏同日補職

賦荷隨肩蹄兔誰能棄喬鶯祇合遷休嫵持版苦緹軾

擁君前

秩滿三銓逼才雄一試慳時方屆禮闈舍人因吏部業經注選不得預試詞華

輕琢腎經濟重窺斑職為題輿就心仍退直間藥階餘

興在分詠好溪山

六六天湖景幔亭相對開灘雷轉官舫峰幃落吟杯候

識焙茶過程期擘荔催分明香案吏特許洞天來

去去辭京鬢深情劇一麾坐傾桑落酒留唱鷓鴣詞梁

月分相照城塵泥不吹冰壺君賦在藉取贈臨岐玉壺水君

應御試賦題也

斷鍼吟為進士李晴山道南之母貞節胡孺人

賦

淮海維揚州彼以其富不賈而儒吁嗟乎李母一有鴉

入室毒於鳩居母寡不汝理吾愛吾廬二豈無饕殮時

女紅以給母有寸鍼乃絲乃粒三為子就傅脩脯從之

為子飯客雞黍供之解四課子成令名惟鍼有神非鍼緊

母斯恩斯勤解五母兮九原斷鍼盈筭手澤不忍忘泣血

以視解六無傷孝子心母節永貞孟機歐荻儷此鍼之名

解七金有時寒至性不可滅吁嗟乎李子風示來哲解八

向母蕭孺人五十節壽

無波古井水有節秋竹竿白樂天句閨中重矢志未語心為

酸吁嗟向秀門三葉巢孤鸞節母祖姑厯姑任皆以節孝載邑乘孺人實

皎皎朱顏復形單願為泉下從兩孀誰承歡門戶健婦

持脩瀟孝婦安相依送歸壠代子職乃殫蘭芽等珠樹

嚴訓親和丸成立頗卓華蜚聲槐市端以茲答所天石

補河其完

朝廷榮褒錫五旬例明刊母年與之符請乞煩禮官衡

峯聳岷嶴湘水流潺湲臨風晉壽觥山川惜漫漫綴詞

試銀筆彤史千秋觀

張檀亭夫子南旋聞將游楚敬呈古詩五十韻

巨材苦難容奇寶恨虛擲息風鸞笑鵬失水龍比蜴夫

子家閥閱江左最烏奕盈門佩賜緋累葉紗籠碧崔盧

唐世系王謝晉時宅舊德遺一經素風守萬石鍾秀誠

邁倫蜚聲早通籍瑞莖榮九光利鏗淬千辟辨物必討

源嗜古每傾液神府祕津梁皇墳恣探索摘藻天葩垂

窺竒海異摘輕掣隸事篋橫據談經席結念霄漢空問
途榛芳闕迴翔橐銀管記注繙瓊冊宮尹相追陪
講筵侍晨夕同時盛著作

至尊親衡尺衆響聞笙鏞諸珍輯圭璧寸腋勝皮千一
鶚兼鷲百

特達主知孚標榜時譽斥師望逾左徒師才儼鄒嶧鬱
鬱松筠翠皚皚雪霜白獨峻元禮門罷置當時驛迴瀾
抱明心砥俗肩鉅責春華力芟夷秋實專採擇網海收
珊瑚貢山出杙柏物情忌芳潔時尚工倚撫易辭鳩鳥
媒難避含沙射曲賞下里卑書誚南華僻隋珠困求瘼

蜀錦遭抵隙索駿嗤九方相鈎罪秦客竟使朝陽鳴條
成退風翻吁嗟誅蕩門被此浮雲隔昨歲逢

國慶普天霑

閨澤錄瑕冠再彈贖愆蒂重赤閒身已白衣舊蹤且紫

陌雖聞

賜簪裾未覩趨禁掖在天月晦行旋耀哉生魄在地河
伏流仍疏千里脈宿亭將軍李書門丞相程奈何吹黍
暄莫救閔楊厄鄙懷昧區區達人笑啞啞信天墜夙操
干時謝長策恩感八議寬慶荷三褫釋昔幹膠固難焦
桐爨奚惜所念清白遺未免啼號迫歸田尚稍需講學

虛白齋存
聊取益日下輟西笑楚中將南適江漢揚風舸衡巫蠟
雲履茲行亦復佳茲志誰能易達鴻留羽儀喚彼腐鼠

嚇莫送問懸風福和回回對人笑
附錄檀亭夫子答詩
謝晉未
暮塘年兄賦長句贈別舟中依韻奉答兼誌

百歲行迨半雙丸苦輕擲境纏作繭蛹技陋知醫錫
浮沉本虛舟勝負亦閒奕孤心寄鉛素衆眼任朱碧
自謝承明廬尚存環堵宅將負季路米雅耽康之石
獨客問雪塗諸生輟蘭籍養堂邈音容聖室懽號辟

鸚鵡但啼血蠅蚰且枯液破巢費綢繆高塚急營索
篇傷蓼莪廢句感緇衣摘楚材方束脩魯儒再專席
恭惟

孝治盛仰瞻慶霄闢祝延集琳壇行慶薦瑤冊傾葵
同向陽鞭馬不遑夕陳頌嘏緝熙觀光顏咫尺新榮
還驚芾舊類雪蠅壁扶搖欠九萬距踊已三百猥務
方牽嬰私逋頗充斥改歲滯京輦徂春道滕嶧別情
棠棣紅行色柳花白間關脫塵鞞迢遞入水驛允宜
鷗鷺盟差遠猿鶴責永言就頽放深恐被推擇服田
習桑麻誓墓守松柏蔬食偕妻孥微生仰攜撫無用

虛白齋存藁
逃斧斤不鳴免彈射勢將遊汗漫退或卧荒僻浩如
萍在海警信駒過隙卓爾稽山秀蚤作瀛洲客九方
忝冥契萬里見竒翮潛翔一朝判言笑三秋隔轍鮒
冀生肥佩蘭感同澤祕閣藜杖青明堂火珠赤衮衮
進賢冠鏘鏘洛陽陌即今羣搢紳豈少一逢掖睽攜
煩贈言吟諷為動魄吐響洵惶惶絨情何脈脈惡人
異駘佗大駟非陽翟趨時誠所短率野未為厄勞歌
息五噫目笑付一啞終迴彥倫駕漫遺繞朝策公才
勉自愛離思端可釋宏達丈夫志黽皇寸陰惜步防
捷徑窘羽戒頽風迫乘運在虞唐陳謨效臯益規子

大器成使我私抱適雖慙手傳衣竊快齒折屐曳杖

獨歌商盍簪共筮易

謂及門諸子

應茲鳴鳥求陋彼饑彪

嚇

同年徐西灣編修招飲

絳蠟青樽此盍簪藏鈎送座暢歡襟簾風不動筵難散
庭雪初消樹易陰向煖薰爐熱春仲解醒茗椀鬥宵深
高齋未敢輕留宿多恐朝班點不任

楊同年培山編修假還

潞河春雨漲痕添絲柳垂攀插帽簷催上青霄游虎觀
捧歸

紫誥耀龍鱗詞人南國名同飲詩派西江韻獨拈未許
薰葭長見倚一時別賦續江淹

新淦劉太夫子八十壽四首

皂山渝水秀無倫鍾毓全歸降嶽辰有道望高推作楷
仲舒文在最稱醇早勤色養功名淡晚脫塵纓著述新
想見逍遙居谷口種松鎮日對龍鱗

涯涘由來未敢窺者儒良吏已兼為賢書鹿野歌時獻
循政蒲鞭去後思星聚潁川門永耀燈然太乙杖親持
清芬代繼家聲遠始信傳經足燕詒

春光八十興逾豪親覩門閭結駟高九老合聯居易社

三公好佩呂虔刀丹臺籍祕藏芝菌紫閣封崇起鳳毛

正值繡衣巡嶺海還鄉省覲駐旌旄

兩度芝顏許近瞻七年前事話重拈

昌於乙酉歲南游嶺表往返道便皆

行晉

鬚眉鑑古曾煩照甲子籌新屢費添肯以壯心誇

矍鑠還於詩律鬥精嚴開筵恰趁天中節九醞蒲觴醉

共霑

劉幹齋夫子觀察惠潮呈詩四首

百尺高梧千頃陂品流第一是吾師全將懷抱傾觀古
自有經綸展及時清要兼官三省望循良報最

九重知

夫子宰黃巖時曾預卓薦

名棠舊日多留蔭合受

隆恩雨露滋

監司臺諫秩原同出入威稜並望崇車雨已宣清道令
簡霜猶帶立朝風身辭北闕

天顏霽路指南洲海嶠雄遙識粵人先引領樽桑萬里

旭升東

蘇後韓先擅兩州韓潮州蘇惠州名賢唐宋蹟多留祇堅白壁

青松操肯為明珠翠羽謀近壤土風熊軾問便程子職

鯉庭修登堂白髮剛增慶八十長齡祝杖鳩

薊門絲柳拂雕鞍簇簇鳴騶道上看爭羨鶴鴻先翥路

難忘獬豸舊我冠泥塵雨細清歌勝立雪年深別袂難

還擬臨岐語饒舌到時須趁荔支丹

壽潘默庵太翁八十

天都雲海窟神仙日飲丹砂一掬泉真向鸞庭書亥字

好從鶴髮溯丁年羅胸星宿縱橫富脫口珠璣次第傳

今日耆英稱盛事洛中高會試開筵

三秀芝英百尺松杖朝舊事試鳩筇如江麗藻前型在

于渭竒占晚歲逢堂錦畫長舒化日嶺梅春小綻初冬

丙丁星朗真堪羨照見蘭陔接華封

贈徐飛山觀察二十四韻

桑梓尊前輩屏藩佇偉人側聞談笑古咸仰典型新公

望容臺續尊人曾官儀曹家聲季海遵縹緗憑慧業翰藻發天

真譽早空羣擅芳先作佩紉看花初釋褐剖竹遂紆紳

驥展何能伏鷺栖有必伸才鋒超百鍊心鏡洞纖塵遷

轉便煩劇聲名起拊循秦關來紫馬晉水映朱輪屢聽

歌廉范爭傳借寇恂崇階榮玉節嘉績紀

丹宸論豎匡時策心銘報國身擁旄勤勵俗麾扇特揚

仁盛事誇青簡餘情寄白蘋圭稜並河嶽氣概及交親

每送垂天翼時蘇涸轍鱗依劉多拂拭御李少逡巡茲

者臚

王會相於聚

帝閨乘槎寒暑匝步屨往來頻朽質慙文鷺鴻稱羨石

麟接歡杯酒欠拜祝束縑陳晚耐松篁翠甘輸薑桂辛

平生別期許浩蕩白鷗馴

定圃夫子巡撫粵東呈詩三十韻

虞典咨羣牧周官建六卿南天新節鉞北斗舊聲名夫

子當朝傑於今命世英珪璋推作瑞杞梓頌惟楨文彩

騫威鳳詞源掣碧鯨早年徵降嶽高步見登瀛枚馬欣

宣召夔龍慶載賡非常公望屬簡在

帝恩榮奎壁躔分耀輜軒使屢迎掄材遍吳楚索駿及

幽并珊網絲絲結冰壺皎皎清春官當座重雲路闢門

亨淬水鋒從越輝山璞自荆羣倫歸橐籥百寶發光晶
藻鑑襄文治葵衷愜

睿情真成持玉尺端合掌銓衡兼職繁逾劇宣猷遠更
宏從容抒幹濟敷歷表丹誠峻秩尊開府雄藩仰建旌
暫辭雙闕拜特寵百蠻行榕葉烟江滿梅枝雪嶺橫土
風隨境採節物早時生千里河同潤崇朝雨遍盈不材
等樗櫟芳佩謝蓀蘅猥荷焦桐賞偏憐伏櫪鳴風塵增
拂拭匠石廣裁成和有鳴陰鶴遷非出谷鶯登門方慕
李立雪願依程驛路風雲色津亭鼓吹聲還朝應計日
早晚報和羹

家從兄青岳六十戚好擬以聯句百韻製屏稱
祝屬予拈筆

絳縣藏清境青城啟洞天懸弧當令旦引竿及長筵遠
數江東胃深懷越嶠賢平湖浮鏡彩疊嶂駐爐烟洞鎖
陽明石書局宛委編霸才榮井邑王會秩山川勝地經
游目名流屬比肩江城少伯隱風徑鄭公便蘭渚春修
楔柯亭夜聽椽知章遺宅畔務觀舊莊前橋脚仍栽柳
塘坳遍種蓮樓臺飛唱和巖壑暢流連聚秀誠無比鍾
英固有然環居多茂姓遠市少征廛有派逃荆湖其風
贈紵傳觀光來上國結宇傍溫泉梓澤園初拓桃津岸

自沿碧林欣繞屋綠野喜連阡頓覺椒聊盛長教瓜瓞
綿簪裾紛鵲起闕閱鎮蟬聯司馬邊勲大金吾善類全
豸冠我陞側蘭錡卓門邊掩映崔盧上光輝顧陸先旂
常於昔紀彞鼎到今鐫源涌流難罄根盤末益堅鳳雛
先應瑄驥子早垂韉爽氣標精銳英姿屏跼踖勝衣陪
赤紱毀齒續青氈頗擅當陽癖兼追長史顛壯心榮劍
佩清思寄丹鉛白馬雄談奮蒼蠅紅響捐才鋒銷利鈍
心鏡判媼妍佇結王生鞞堪爭祖逖鞭獻珍偏遇楚索
駿失逢燕乃者紆籌策無何急懋遷熬波滄海外度嶺
白雲巔人習陶猗術家貽子母權服勞承不替食德奉

無愆玳瑁乘潮拾珊瑚舉網奉顛嘗丹荔圃芳踏素馨
田翠羽張屏綴玻璃徹座懸冰篔烹鳳餅雷鼎藝龍涎
蘊藉竒觀蓄豪華世態蠲至情神最切篤行禮交虔子
舍調羹侍安闈扇枕眠承歡親杖履餘慕溢杯棬孝鯉
蘋鱗躍慈烏白項纏有懷斯用慰同氣况加憐式好徵
荆茂相容笑豆煎鴿原聲節足鴈序影翩躚姜被霜晨
共蘇牀雨夜連天倫悖有叙家政措無偏羣從需方急
期功望更專義門旌卓卓忍字訓拳拳會食隨鐘集分
衣視桁穿泉甘知液潤木讓見柯駢贍俗修任卹敦宗
計粥饘時焚孟嘗券那守郗超錢識面爭瞻斗聞聲劇

慕羶依劉加拂拭御李與周旋夏屋千間庇冬裘萬里
延解紛蠻觸息利濟鵲橋填醜酒慙羊祜饑人感趙宣
償逋寬課責贖媵脫嬋娟指困今無矣傾囊古有焉涸
鱗歡處轍窮羽免驚弦問敬因容駟堂深為降鱸張旌
定圭璧紉佩必蓀荃高誼已冲漢虛襟尚履淵持籌甘
瑣瑣束帛賁戔戔烏帽聊從俗青箱未了緣輪邊隨卜
式鑿空讓張騫心緒伴通隱頭銜異備員告身叨半刺
除日避三銓軾畫寧須鹿冠彈不假蟬完貞期守璞被
繡憚為拴張翰秋莼熟周顒早韭鮮輩流尊柱礎當局
勉羈牽未返珠江櫂猶虛鑑曲船歸裝遲陸賈殊域阻
梅銷路杳思珂里門新盼蕙榜登臨狎洲島代謝幹機
璿周甲憑撓算生申屹雅篇初陽剛待復一索本歸乾
龕內參彌勒庭中侶偃佺超凡當作佛行地亦稱仙摩
頂曾煩誌斟羹又值錢聽松風謾謾飲菊水濺濺案肅
梁眉正階清謝樹圓吐璣疑合浦孕玉信于闐桂籍梯
雲上銅街就日還過從皆畫省投贈半花甌煖借西池
瑄春回北渚躔良辰觴八百上客履三千對月濡湘管
迎颺擘蜀牋從容疏亥字跌宕說丁年紺雪長腰米銀
膏縮項鱖人倫羨模楷天意快陶甄後約探櫻笋先期
試管絃參同存妙契看取露朱研

詠喜蛋

俗以洗兒日彩染雞卵分餉戚友名為喜蛋
蓋取誕生之義同年比部洪大伯初舉子以
此分餉予戲詠並志賀

雕卵始齊管畫卵傳晉石物情務好華藻繪及無益吾
鄉男始生淪卵譙嘉客或紅出漬茜或黃經鏗藥點臚
研箋金纏晉剪綵帛置筐雜棗脩登筵佐糗核盈取常
累千少嘗足當百厥義彼何知相沿曰在昔雞鳧辨同
異所產隨地易吾鄉用鳧卵
比人用雞卵比來長安居湯餅屢沾席
知交多弄麀此物荷投擲媿我習耳耳既吞面翻赤側

聞卵國民載在山經籍徐偃實異聞朱蒙亦竒跡三十
二男兒勇健尤嘖嘖是類等無稽未足供倚撫詎若駟
鳥祥舊典非近僻吾友本鳳雛九苞無凡駟桑蓬懸君
門占符震一索洗兒修故事欣見盤堆積已分火齊光
尚帶蘭湯澤老饕習滑稽朶頤取口適誕彌與誕生附
會費詮釋因思渾沌姿乾坤固同宅內凝象取黃外繞
體兼白凡屬藐焉處疇無轉旋責願祝君家兒最上參
闔闢其次事文章亦為未失策不見戴逵碑雕篆傾瀝
液戴逵以雞卵汁漫白瓦屑作鄭
元碑為文而自鑄之見晉書母為干城棄不受累
棋厄乃翁喜欲狂聞言罔知擇請示善頌張謂張大一
卷訛

虛白齋存藁
笑當啞啞

伍雲湖六十壽

天目聳於潛峩峩插霄漢飛舞入虎林藉作衆山幹福
地鍾人傑不絕如繩貫有族靈胥裔濤聲耳江畔派別
溯遙遙餘波衍瀾漫先生生邁俗英俊聞弱冠嗜古書
為田擷芳芹在泮雖未騁扶搖頗喜脫羈絆明允譜手
輯孝伯表重按焚券洽比隣解驂重舊館邇來尤高致
朱霞舒天半清音山水饒令節花鳥換自娛出世心不
受冗塵亂矧復庭階側芝玉紛璀璨長既舉明經駿譽
起文翰次復登計車紫電寒芒煥森森孫桐枝俱作龍
門看先生顧之樂含飴日撫玩物情忘苑枯胸趣息冰
炭身不為形役茲術工延算問年屆杖鄉攬揆稱穀旦
華井蓮十丈紛敷列青案何當抽我身相訪騎款段分
飲流霞杯一停柳下鍛

重九日純齋同年招同館諸公泛舟二牖余以
未招不與賦詩四首用祝芷塘前輩原韻

酒人燕市數荆高往事追攀氣並豪心比閒雲貪出岫
身成伏櫪倦離槽習池醉態輸山簡官閣吟篇羨水曹
那得經旬共休暇慶豐牖口恣週遭
選勝當時眼界新潞河放溜碧鱗鱗自來塵陌看花地

曾訪烟波釣鰕人，舊雨竹林年正健。清流蘭渚迹偏陳。

余於甲申春仲隨梧岡竹虛偉人吾山諸前輩泛舟其地，惟桐嶼前輩已成泉下。城南合作仙。

源憶未許重尋古渡濱。

秋深何物不清佳，籬落花黃塞雁排。節到攜壺酬易過。

招煩折柬侶難偕，勝情拚作槎乘漢。差臬嫵隨橘化淮。

寄語同舟諸李郭，有人風雨訴情乖。時西灣同年以未與會賦詩相嘲。

休悵登臨去較遲，遨頭重擬趁良時。欠陪吹帽風流宴。

先續題襟冰雪詩。時同游諸公皆有詩。好景勾留耽地僻，冷官來

往怕人知繞門一舸盈。盈在邱壑於君似有私。純齋家通州相

隔僅數

後十二日純齋復招諸同年泛舟其地，再次並

塘前輩韻四首

人比元龍百尺高，停驂縱棹興逾豪。林曦散紫鉦懸樹

隄，溜濺珠酒滴槽。罨畫名區歸此地，盍簪勝事到吾曹。

十年輕輓長安陌，得濯塵纓算再遭。

水鄉風味逐時新，羹擘團臍膾細鱗。菜把屈君為地主，

菊花容我插歸人。學騎難得乘船賀，愛客真逢并轄陳。

往事齊年試回首，紅綾春讌曲江濱。

節過九九日多佳，斲輟朝班玉筍排。沂水浴餘童冠共，

純齋攜其令弟峴山碑在古今偕。得朋敢詡羣空冀，應

偕往年甫十齡

虛白齋存藁

冰銜集上 二十

候剛逢雀入淮

月令季秋雀入大水為蛤然則國語所云雀入淮為蜃當亦在此時

紅蓼

丹楓秋瑟瑟眼前鄉景幾曾乖

憶舊林中狂飲地逢僧院裏話閒時有聲試擲興公賦

無敵重論白也詩

純齋有次西灣韻詩四首甚工

落手扁舟難自料籠

頭紗帽倩誰知何如赤壁黃州夜明月清風兩不私

純齋以次西灣同年韻四首見示并索予和

釣竿經歲別槎頭煙水同尋一葉舟許作粗豪嘗酒客

肯拋次第看花秋重陽風過樽前近繞郭山明鏡裏浮

多少西園騁飛蓋得親鷗鷺是清流

如蘭講誼愛同科勝地良辰把臂多秋水一方添渺瀰

晚霖今歲減滂沱

畿輔連歲多雨今秋特喜晴爽

輕塵免逐聯翩騎柔

櫓間聽欸乃歌話到江南好風景金樽檀板較如何

邪許聲稀地稍偏纜舟洞口足雲烟海陵運後無多路

竺國移來有別天

時徧游傍岸諸刹

到處剎苔搜舊碣何人餐

菊引長年茶清花落尋常事雙鬢旋絲一榻禪

燕趙悲歌氣未除諸公夏屋比渠渠

蘇詩諸公渠渠如夏屋

獨慙

老馬通孤竹空羨黃金禮望諸京輦片時萍聚後鄉心

千里雁飛初幸陪此會誇龍虎省對寒牕蠹字魚

潘蘭垞同年惠書見詢以詩答之

南來錦字雁飛初遠道真勞慰起居燕市酒杯餘

虛白齋存藁

米街集上

二十一

白隄花信半稀疎故人似我仍無恙名士如君始不虛
想見間牕勤著作承明早待等身書

聖母皇太后八旬萬壽恭紀 五言長律百二十韻

拱斗三階正斟衢六幕長貞符昭景貺壽宇萃殊祥

文母純禧篤

興朝邳治昌坤輿宏並載月德迴含光

蘭館親崇儉

椒庭永佩芳

宣仁流

禁掖

班教協珩璜

道自觀型著

徽因裕後彰導河惟宿海蘊璞必崑岡瑞幹敷芝菌文

禽翼鳳凰郊謀宜佐譽樞電果胎黃高厚鍾清淑民人

仰紀綱千齡期啟

聖五德運歸

王繩

武揚

謨烈開

天荅

昊蒼

清時逢鎬洛

景運際虞唐則哲金為鏡如神珠是囊兼資通闔闢合
撰在陰陽量獨賅三極神兼闡八荒多能飛挾藻餘技
妙穿楊聲教無雷國光華出日鄉垂乾行不息保泰勅
惟康

懿訓

深宮奉

慈庥薄海揚屬當時大順永卜命于常閭左謠耕鑿
堂庶慶拜颺蕩平遵廣陌師齊立

巖廓絕域朝重譯康年稼萬箱如春復如夏時雨與時
暘景慶頻教見苞苻未許藏綠圖呈燦爛銀甕耀琳瑯
款塞踰元菟開關貢白狼薰飈吹習習湛漑浥灑灑

天子真神武

崇勲罕頡頏劍門鳴鼓角玉壘掃欃槍雪嶺功尤峻花
門衆盡匡七旬勞舞羽二萬志開疆巢幕俱憐燕當車
每笑螳列屯仍戍已置郡小敦煌荒徼皆城郭新疇已
稻梁架菊甘似蜜甕瑤白於肪

睿算聲靈赫

天威撻伐張

虛白齋字彙

水衡集上

二十三

徽稱尊奕奕

鴻號紀皇皇歸

善情逾切臚

歡典倍詳

璿圖列瑤島

珠院繚銀牆雲母明牕拓珊瑚

寶座裘

山莊依碧嶂

水殿俯金塘

曉駕趨

長樂

宵衣問未央三朝中使報六膳

御厨嘗居所辰杓轉來游桐鼓鏜周原勤展義

禹步大巡方豐沛基初定邠岐業詎忘白山探嶠嶭黑

水接蒼茫大吏章交請羣黎

幸遍望呼嵩經太少選佛陟清涼華蓋西臨後

帝車南指傍江山雄采石都會麗金閭三竺煙霞遂雙

湖花柳忙雪濤恬捍海竹棧穩宣房

安輦躬臨止

宸游遠扈將

鸞輿駟紫廚

鳳帽纜沙棠地勝

歡無極民迎喜欲狂服疇懷舊德佻路炫新妝拜舞紛
童叟謳吟盛篚筐每於清暑節例舉合圍場致鹿咸依
哨擊鷹競出坊

六飛先電掣千騎奮雷礮桐酒瓊壺貯駝羹翠釜湘毳
帷蕃部長組練羽林郎試巧猶盤馬分勞及射麇

慈顏深悅懌屬國並徇祥子月辰其始辛年序最良三
微萌瑄律五緯貫珠芒

翠籙長凝祐

璇禕厚集慶

輿金根焜耀

檢玉字飛翔白馬函經繕青駕法相莊震維封日觀津
淀象天潢

輦路蟠松蓋祠宮煥杏梁分調仙鼎味高捧帝臺漿祝
嘏祥千集推仁

詔十行正供蠲穗秸飛挽息舩艘選造升司馬期頤養
上庠全清夏臺繫分給海陵倉

賜秩榮咸被崇封志各償社英多聚洛嶺皓或從商寶
曜臨南極芳護樹北堂盛囊霏絳雪搗杵和元霜果擘

瑶池核砂餐勺漏床

九重殿上

壽萬國普稱觴賚至新踰棧琛輸遠泛航雕題騎水象
華袴控金羊王會陳珍祕鈞天奏鼓簧曼延諸戲設頃
刻異葩香隴舌調鸚鵡宛蹠試驕驕盤紅疑鞞鞞谷翠
訝篔簹宛爾蓬瀛直非徒繡繪當

仁山增蜿蜿

福海表泱泱紀候堯時英充箱禹日糧騰歡申醮宴同
樂騁遊韁化日舒輪抱慈雲護錦襄難名
恩汎濩莫罄

德滂洋嘉祉天同運

鴻釐海共量

六旬週

黼座

八表兆

黃裳

龍袞親歌祝駕行効濟踰末儀聲翾翾羅拜度印印刻
杖攜寧藉含飴弄未妨祇珍延喜瑄非進引年菖曠典
徵圖史前徽盛縹緗如音貽乃武莘德肇於湯馬鄧曾
垂範宣昭亦式臧壺儀傳棣棣雅佩聽鏘鏘稽古咸堪

無雙國士殿頭誇捧得

鸞封帔似霞長向瑤池迎阿母新從蓬島住全家杯開

益壽飄金粟曲奏循陔補白華應許登堂陪上客親瞻

鶴髮碧厨紗

今日真鄭品人孝廉大經下第還粵

八千歸路袂纔分葉散西風雁失雲深媿留賓虛鄭驛

獨勞知己薦雄文

君為秋帆殿撰薦卷

還珠浦遠悲投暗市駿臺

荒負出羣賴有芙蓉開滿眼秋江留取晚來芬

乙照齋中翫菊二首劉幹齋夫子命作

羨爾羣芳開後開移將霜月繞庭栽一枝寒重影都好

三徑客稀香自來不分塵街秋壓擔從教籬落晚銜杯

試看麗草英英賦也費閨中爾許才

英英麗草傳統妻辛氏菊賦中語也

時奚二晴川出其閨人咏菊六絕句示客故云

約素安黃欲對誰把來猶作故人窺果饒晚節寧羞淡

待賞孤芳合較遲鴻影驚迴霜到夜蜨叢夢老露團時

底須此後貪花看插向頭邊鬢早絲

久雨悶坐次徐二印若明經韻十首

忽成泥海失塵埃悶字頻書夜撥灰正苦流光挽無計

秋風秋雨又相催

強起登樓力尚勝西山那得見高稜模糊古寺雲千疊

間殺城南竹院僧

西山隱居見高僧詩古寺雲千層

五月江南炎氣蒸黃梅日日雨堪憎誰知此處無三伏

沾却生衣濕便增

國字賦書齋詩又五言或次對無情

傲居豈比浣花村苑屋秋風剝廢垣廣廈萬間誰見得

不關老大眼將昏

詩句配畫樓早

撐腸文字勢空張煮向饑時計渺茫天遣六丁來急取

電雷日到讀書堂

齋中書帙多被屋漏所沾

枉費同心勸舉觥招邀小東太分明過籬步屨渾難事

階下飛泉瀲灩生

日內有友人招飲阻雨不赴

袞袞諸公省與臺朝回憶錦踏泥來此情輸與聞官便

且對簷花掃綠苔

最遲烟火隔空林十字街心沒踝深怪底魚鰕稀入市

潞河三尺水痕侵

京雒緇塵客憶家鄉心無奈住天涯對牀續有蘓公句

眠到深宵興亦賒

經時剝啄不聞人門內高懸車一輪稍待日開看雨細

便陪冠蓋出重闈

雨久忽晴喜而有賦再次前韻

六街久已絕纖埃夜雨沉沉燭易灰莫怪曉來爭早起

簷前乾鵲語先催

宮闕高秋爽氣勝依然初日照觚稜朝參瀑直更番在
嬾性休如退院僧

插架叢殘帶濕蒸白蟬無數最生憎却隆曬腹饒前事
持比香芸快更增

南西門外足烟村新草茸茸長敗垣寄語鴉鋤促收拾
芋區蔬圃漸黃昏

北周住遠

崑石學博

復南張

桐谷中翰

蹤跡連朝墜渺茫今後不

須愁滑滑徑騎款段報登堂

恰逢佳日好飛觥如此花開更月明偏惜比隣前約早
上弦孤負半輪生

片雲捲後試登臺暖翠浮嵐四面來欲向畫圖尋粉本

綠痕踏破上階苔

城西迢遞接園林橋水猶餘尺許深莫聽禽言行不得

平沙未礙馬蹄侵

小住長安即當家十弓僦屋亦生涯蘆簾紙閣休重惜
得免移床興已賒

新晴巷陌又催人輾轆聲中聽碾輪憶昨正陽門外過
翻盆急雨漲城闌

題徐壁堂進士幽篁覓句圖四絕句

君抱烟霞心飄飄脫塵滓前身王右丞獨坐幽篁裏

時還吟我詩寒暮倚脩竹微聞瀟瀟泉相應清如玉
碧流瀉琮琤青影交瑣碎此間詩思多勝跨雪驢背
入林復把臂此約誰能踐不聞擁鼻人吟罷條纓冕

題宋杏川太守水木清華冊四首

雙松書屋

舊聞著書思絕塵庭前愛撫雙龍鱗無多歲月底須憶
得賦遂初能幾人

碧梧翠竹

踈聲滴雨碧條條香影含風翠个个何人對酒尚聯吟
昔日彈琴曾獨坐

山塘春棹

虎邱已上靈巖遠獨聽黃鸝丞相祠一曲瀟瀟連夜雨
吳孃鴨嘴櫂迴時

石湖秋月

湖心浪花秋後白湖面嵐光秋後碧拍拍沙鷗夜不眠
月明寒占烟波宅

王母夏太孺人輓詞 為介休王令作

王君慷慨人談笑露肝膈作令有政聲循卓便煩劇今
年來山右握手長安陌傾倒及腐儒過從稱莫逆自言
弱齡苦失怙慘相迫負郭輸二頃應門乏三尺束髮事

遠遊閩粵行得得門戶誰為持惟恃老母力不惜備艱
辛晨炊而夜績泊乎年既壯稍稍充衣食餬口獲祿養
捧檄喜形色老母嚴庭訓勤慎勗稱職所慶慈祐長七
秩三秋值捧觴佐臚歡後凋視松柏是時予聞語斂容
起嘆息始知我友賢良由母壺德何期君返旆二豎已
作慝呼籲天罔聞總帷皎霜白悠悠路三千歸旄就窻
窻頗聞令出境道傍多卧轍吁嗟賢母賢封鮒見遺澤
芝玉當階生車駟新閭闢食報詎有涯豈必長生籍臨
風寫辛酸質語謝瑀飾

題王梅岑舍人前輩秋齋茗話圖

蓮心居士所繪

舍人愛清真浪直依高齋點筆收粉本聯吟綴詩牌園
小位置妥麈眼籬新排碧梧翠竹間交加蔭寒階雅乏
殘客對頗容好事偕清可續楚騷誕或參齊諧何由腋
生風綠濤嘗最佳君家老摩詰過從忘形骸入門不待
扣呼童燒生柴烹點輒移晷以通彼我懷剛值秋風初
颯颯驚庭槐援毫寫即景淋漓烟雲皆茲人渺何許掛
帆湘水涯購之不易得有酒徒如淮予近以佳釀素居
士尺幅未及償而
已之官
楚中矣剩觀雪鴻印眯眼逢新措因思故山巔春雷抽
嫩芽試鬥傾碧椀採焙隨青鞋經年負勝事踏此緇塵
街所幸互招邀夜談慰睽乖圖中應著我相與成詼俳

壽王天成先生八十

昔歲鏡湖客今來沽水居雄心抱經濟雅尚薄蟲魚屢
倒迎賓屐曾辭薦士書烏巾懷錦里白髮看蕭疎
博史稽前典宜膺憲乞尊典型時望屬渾噩古風存
棹趨庭彥分飴繞膝孫庭槐多舊澤手植重盤根

程母洪太夫人八十壽詩

望本忠宣裔歸宜明道家高門雙列戟芳範六萌車射
雉風猶在九熊報自賒未妨懸悅日羣作杖朝誇
寶婺輝常粲瑤池駕豈遙敦龐羨山國仁壽慶
熙朝象服宜節杖

鸞章賁翠翹願陪珠履賀不俟綵衣招

迎寒詩四首

掃葉

木落悲何事長年原慣聞儘教隨颯杳未許積紛紜除
草階逾冷焚香地始分亭臯連隴首漠漠望飛雲

補籬

小園空插槿過客任相窺終藉維藩力何妨補闕為橫
斜且容膝平遠一支願步屨約重醉寒香開數枝

糊窗

踈櫺初換紙紀候判涼炎稍却寒颺勢仍含遠岫尖密

教花影上明避麝煤露近市嗟何益先生尚織簾

贖衣

日日朝回典隕霜思故裘翻增澁囊恐違作解衣謀
貼催何意蒙茸耐獨謳無何飲興劇仍向酒家留

武定太守徐雪崖借德配趙恭人六十

使君五馬駐三齊內德揚芬好並題高座聖賢時復中
名門琴鶴鎮相攜春凝香寢聞留佩月曉莎廳報唱雞
試向晴雲樓上望添籌海屋閭風西

梅開嶺上小春初弧悅雙輝映綺疏鴻案禮莊期永對
鹿門家在付閒居

誥章豔豔花相似階樹森森玉不如定識丹臺同注籍
待繙甲子再週餘

題陶三拱之行樂長卷

憶昔初論交落落凡幾輩舉醕吳亭心摘句越城背共
結松筠契自成裙屐隊君時方盛年意氣多感慨談藪
厠分茅騷壇競摩壘新堂射鴨開舊渚撈鰕退頗足謀
斗酒兼工贈雜佩歌詞付雪兒法喜稱無礙此樂亦自
佳此事胡遂廢年來勞簿領一官走塵內游蹤入長安
把臂饒故態啓篋展長圖金題玉躑配中貌跌蕩姿鬚
眉前廿載索領今感垂丹顏往觀在交游紛縞紵諷咏

燦珠琲綺語還易除勝情苦難再臨風便錦舒汲水宜
花澆漸期洗金粉且學餐沆瀣嶺雲足自怡杯月約同
對倘令尋舊游吾已慙形穢

送館師侍讀葉毅庵先生假還省觀

身疑鸞鶴氣松筠早換頭銜玉署新金匱編摩資博物
石林著作屬傳人遶鴻先翥非無路天驥高驤迥有神
獨向雲山時騁望鄉心棖觸隔昏晨

六筐戴斗耀文輝屢引星輶出瑣闥無數名材憑玉尺
有多樂事試斑衣賦傳御板潘懷縣篇補循陔束廣微
誰似吾師性真摯不將官職與心違

海嶠迢迢入夢多歸懷非為愛烟蘿難拋春水江魚躍
肯待秋風塞雁過東觀廿年書跌宕北堂八秩杖摩娑
幔亭領取仙人宴併入稱觥一曲歌

潞河新漲送歸舫悵望征帆首重搔留滯每緣捧檄誤
起居深慰倚門勞已虛曉漏朝班點曾被光風袞字褒
多少愁心寄流水相隨南下日滔滔

獻歲人日質郡王寫芝蘭尺幅傳賜謹賦三

十韻

若華蟠高枝騰光燭庶類英性本天成慧思絕流輩摘
詞曹步捷聚帙蕭樓備儒林秀旁招藝苑芳坐對餘事

妙拈毫往往徹三昧獻歲春始和轉蕙光風被嘉頌傳
椒花珍盤試辛菜林沼氣龍葱晴窓白雲萃遙情拂銀
光羣芳入藻繪紫翹既馥郁靈華復夢蘄神到形自工
尺幅饒生態謂有末座居其人頗斂退署款墨未乾傳
示申寵賚洪惟圖中秀毓質鍾淳粹或為王者香矧兆
太平瑞孔操暨商歌垂芬閱時代不材等樗散客右蒙
盼睐迴殊揚馬傳並謝應劉隊香草證楚騷將母覺形
穢因思階庭生曾與玉樹配所媿飛騰過四十歲難再
側挺荔尚虛繫絲蘿徒在鄙懷敢上陳吉語邀下逮遂
令片楮贈有逾百朋遺祇領首三叩帽側花羞戴便擬

付衰池錦軸標瑋瑁懸恐蓬垣陋藏謀蓋篋祕滕王寫

蛺蝶小物偶遊戲何如瑞草叢珍重特情寄野芹無以

報蕪語誌銘佩

昌年逾四十尚未有子是歲
獲舉一兒此圖誠吉徵也

虛白齋存藁

虛白齋存藁

山陰 吳壽昌 泰交

冰銜集下 起癸巳 訖己亥

恭和

御製命校永樂大典元韻

藝苑欣逢

紫詔傳叨隨鑽仰答高堅祕書遷轉稽難定 大典本貯文淵閣編

入書目者不知何時散佚此部每帙後載重校各官姓氏有侍郎高拱陳以勤等乃嘉靖間再錄之本非永樂

原書也於何時移貯翰遺帙紛綸覩莫全 書計二萬二千九百七十

林院署亦無可考定三卷今已缺什之一矣又案朱彝尊日下舊聞所載篇目與此合至焦竑國史經籍志孫承澤春明夢餘錄俱

定白齋存藁 冰銜集下

虛白齋存書
止稱二萬二千二
百十一卷皆誤也
新纂者入
四庫全書
應時自獲潛光發
擁卷都消俗慮牽
長日分餐

賜蘭署儒臣促坐證芸編尚勞

乙覽披雲示爭付胥鈔滴露研此後通津皆冊府當時
插架在文淵金川門外空陳蹟贏得叢殘四百年

童北硯白馬巖居十詠用蔣定甫前輩原韻

述經堂

昔賢重談經斯堂緬遺處人往不可見山山白雲住仰
止千載心胸懷足本趣

洗硯池

右軍書換鸞墨妙元雲湧古硯已成凹禿管難為塚合
令池魚吞養作黑螭種

雲影橋
一鑑清如許徘徊落片影齒齒石鞭來鎖向卧虹頸暇
時試杖藜風息縠紋靜

蟠蛟榭

水榭倚寒空常懼風雲起為藏千歲蛟秋清難見底墨
瀋能爾為漁師伐其止

介山亭

此山孰移來愚公非智叟其間無兩大幸免嗤培塿薛
蘿被空亭且付山鬼守

謝公愛名山屐齒多所歷誰知尺幅中萬里渺何極是
畫亦是真卧游正偃息

一掃青吹韻樓
深省在覺時曾聽晨鐘吼頗思音要眇四座夫何有願

從樓上居松窗兼竹牖

籟雲臺

西來馳疾足蹠躐不能住或恐山有靈同逐浮雲去登

臺一豁然據鞍最高處

夢泉

昔稱文異水出涌由心坎豈知幻想成真源莫能拚山
泉兆自明發蒙吾未敢

聽讀山房

佳兒勤一編琅琅徹長夜能令乃翁喜合杯自傾瀉不
負積書心紙還行復借

應教題畫禪集腋卷用曹中允仁虎韻

豪端能事人而天出塵瀟洒乃所先學書讀畫了無二
未容衆史窮涯巔西園主人富文翰妙探學海捐言

筌有時興到寄揮灑盎然之趣神超然即如此卷連綴
幅十二寫生寫意羣爭妍或矜茂密乏蕭散意匠苦落
經營間何如卷首一幀迴超絕半枝片石自帶寒林寒
畫家逸品茲其是以之弁冕觀斯全想見靜寄軒東塵
境隔惟有遙山蘊藉波淪漣邇來高手得非易兩尚書
推董與錢邦達宗伯俱師石渠作祕笈落紙往往成
雲烟今觀此圖遠逼元似瓚欲撫凡腕愁無緣乃知性
靈關造化會心總在含前無多著墨墨更妙陶家琴
在何煩絃諸人獻伎亦幸衰褫一例留傳看急須合
掌詢上諦勿迷南北宗派可逃禪

新建裘太夫子以盛京奉使經進集見示謹

用李義山韓碑詩韻題後

豫章尚書名世姿子載嘉會逢炎羲早官

禁近盛述作賡颺知遇超等夷平生經濟本儒術談笑
曾却千熊罷邇者度地越遼海八駟銜命馳旌麾出關
三月告竣事太阿割斷誰爭持非常
賜顏被珍毳冬曦煦動龍蛇旗皇華有什

覽乙夜二十八宿聯珠隨我

朝此地肇基迹

真人秉鉞師如貌左右山海挾雄氣比天崇復侔地訾

高山幽岐想偉蹟太風豐沛稽雄辭長驅獬豸掃彗宇
信乃天授非人為一戎燕冀神器定

陪都備職存曹司欲問故老百餘載至今傳說人解頤
惟

帝嗣服再巡狩褒美國俗懲流漓特從駐蹕灑

宸翰煌煌練賦兼哦詩何意里臣近乘傳復捧瓊冊陳

丹墀道揚懿鑠歸典則義極籥鼓嗷斯碑鐵嶺古屯閱

虎豹

珠丘閟寢瞻蛟螭載塗雨雪亦况瘁豐年卜慶言無私

居八長吏兩帖安久安忌馬上治乃知立言見其大

乾坤氣與清詩脾不然流傳豈少紀行作山郵水驛紛

題詞或志道里狀草木何與國政彰重熙誦公鉅製震

凡曠調高響逸誠難追人惠一編出剞劂傳寫幸免胥

手胝敢辭續尾避嗶點請為太平永築丕丕基

送金詩庭前輩奉使赴蜀督理軍需

沫若徼外皆蠶鳧跳梁小醜猶稽誅團營勁旅自天下

九關西顧先軍儲使君矯矯類雲鶴英彥毓自三天都

早職館閣歷臺諫迴翔侍從清要俱邇者繡衣指淮海

東南飛挽齊歡呼長鯨巨舸永無恙徑達天庾趨丁沽

先生以南漕使竣歸來捺鉢報藏事
復便程迤北漕

山莊名對

天顏愉生平經濟屬何等褒以
溫語宜馳驅風雲儲胥亟往護相與盪滌成洪鑪始知
浮筠貴特達不隨幣馬陳庭隅請纓棄繻出儒者朝拜
尺一夕首塗惟彼蠹爾詎足道釜魚幕燕懸斯須所念
繹騷遠境內因緣胥吏滋奸徒

朝廷費帑計千萬恃有擘畫杼良謨使君治漕足名譽
蜀人聞命懷其蘇我與使君年來屢過從宣武坊南樽
酒陪歡娛天梯石棧俄看行萬里短衣匹馬欲挽空踟
躕春明門柳秋未枯長條手縮無時無丈夫墜地門懸

孤曰畏簡書其然乎吾宗詩人亦在彼

謂家鑑南州牧

好憑問

訊寄雙鯉

題馬香谷所藏王履吉借券手蹟

雅宜山人品最高夙尚邱壑懷清操陶謝詩格力摹古
鍾王墨妙勤揮毫爾時吳中盛風雅從容壇坫來英髦
袁家伯仲文父子一門名譽無凡毛山人結交殊不俗
往往觴詠稱吾曹即憑遺券證往蹟姓氏落落參翔翱
券中借主為袁與之居間為文壽承因思山人潔持已不苟一介防貪饕
乞米大夫豈得已與錢司業非濫叨相須緩急亦偶爾
約劑貸息心勞勞此非財賄屑計較或懼嫌隙由錐刀

名流瑣事昔爭羨高人絕藝今重遭我觀筆勢特勁逸
戲鴻舞鶴離塵囂流傳片楮等尺璧不待碑板光難韜
往時長史判牘尾公庭黠取滋喧嘈將母此券亦類是
那忍焚折傷堅牢馬君吳人僻嗜古所好物聚煩爬搔
有時傾囊破羞澁索及贖錦搜殘膏其鄉佳話奔行篋
紛羅題識追風騷慎無展卷起三嘆金盡復來聊自豪

贈洪午塘司馬四首

未見已相憶通懷彼我齊才名小隱後循績太行西傾
蓋輸今款披緘枉舊題他年好重訊塵陌一雞栖
綾餅啗前度銅符縮再更清吟屬姚合上考付陽城此

事何曾廢於心本不驚終當以劇郡老幸有生平

人海相逢日傾心對一樽荆埋輪器利噓谷感詞溫共

勉經綸大先聞道誼敦交親半浮梗安穩一枝存

舍親輩多

在君署故云

手版君能換頭銜我自淹居憑草元守榮謝賜緋霑一
鶚論交重三刀別夢添攤牀有周易隨意問飛潛

劉母彭孺人六十

玉筍山前水環流徹底清高門美居里賢桐播芳聲黃
鵠孤雲杳青鸞破鏡明舊編傳烈女輝映漢名卿
辛苦持門戶真誇健婦能甘貧車獨挽問寢志先承藜

藿春朝饌機絲雪夜燈懷清臺再築好占最高層
繞砌三珠樹含榮競碧巖培心不負樛棟任堪齊戲
綵新輝得和丸故事稽何當封石窳彤史共留題
周甲傳佳日剛逢殷仲春韶光屬桃李高節自松筠門
有豸冠貴堂依鶴髮人孺人為幹齋夫子之嫂氏時觀亭太夫子年踰八十一觴
遙寄祝轉盼荷

恩綸

冬日得范大元功手書感懷賦答

彥龍不羈才意氣高百尺恥為章句儒老作諸侯客昔
年識君明湖濱一時簪盍皆可人詞壇跌蕩繞花坐酒

盞淋漓對月巡君舒青眼觀時彥我輩謂非長貧賤青

雲交契託松筠淶水名園恣歡讌指丁丑夏游祁氏寓園事回思此

事十數秋飄泊蹤跡多萍浮九塞霜鴻我北度七閩海

燕君南游閩中攬勝擅竒麗幔亭歌曲楓亭荔落月無

端見屋梁高門何處傳擁篲長安苦寒少贈魚忽枉故

人千里書不辭啟緘百回讀冷宵燭藥開紛如感吾古

誼轉增慨折玉摧蘭竟何在謂陳星旋舍人高叙倫明經掛劍難將

宿諾酬絕絃未許知音再亦有兩周子抱才坎壈纏衡

陽雁斷征帆外虎木八兄幕湖南去秋始得音耗蜀道鷓啼匹馬前微

二兄於去冬就幕蜀中雲霄得意定誰屬粵西使者煊赫獨著珊

瑚鞭

謂童梧岡學使

我亦腰紆半通綬太倉給米月五斗敢說
冷官室苦饑祇慚貧士人多負豈若吾兄逢迎到處稱
賓師金黃壁白隨指麾尚平婚嫁藉俱了買山想見不
患囊無貲樵風涇雲門寺青鞵布鞵幾人至頭白歸來
願結隣遂初有賦尋應易

賞番圖題後

圖係李西華先生巡視臺灣時所繪自題五言長律百韻以紀

澎湖險絕依荒遐三十六島如蜂衙屹對無諸隔海外
二門虎鹿相週遮洪濤震盪勢顛越樓船漢將難輕划
自從天戈耀日出牛縷遺窟拔根芽咸隸版圖置郡縣
襟帶甌粵成津涯遠通洋舶五貝集蒟醬邛竹寧煩誇

要區特資坐鎮力未許疆吏專旌牙戔戔豸冠往巡視
青驄奉簡辭京華茲行臺諫最稱重星霜兩易始及瓜
先生臨川盛閱閱器為璫璵鋒鏑鉞早登蓬島遷柏署
錫之

寵命惟其嘉西都燕喜遂南指潛匿水豹翔神鴉潮生
柁樓報飛渡郵籤七換程無差帕褶材官迎鷓首羣番
絡繹填三义番人百年樂土樂婦嫺機杼男耕畝大岡
之南木岡北不聞鋌險驚麇麇宜宣德意予獎賚馬頭
羅拜聲無譁畫戟清香兩不厭漠漠絹素無風沙圖成
自喜綴長句冥搜旁討舒天葩蠻中風俗快先睹何殊

仙爪經搔爬前賢所至例有述華陽桂海名專家即如
裨海亦紀錄流傳大抵由星槎謂裨海紀游臺灣紀畧雜志使錄等書先
生鉅手媿羣雅諧以韶濩輝雲霞即今玉堂共傳示得
意一笑同拈花雲烟瞥過尚堪念咨詢矧出四牡車中
有柔遠計斯在永銷爭觸平蠻蝸果爾永銷爭觸平蠻
蝸立言有補真非夸安得赤嵌城頭高著眼詩左圖右
吟翫情交加

題綠牡丹畫冊應教次韻

大房尖已花開否

朱彞尊詩牡丹已綠房山尖

十度長安竟未看今

日春風初省識多時翠袖倚高寒傳神端合付螺黛點

筆遙思傍石欄萼綠華來無定所

李商隱句

肯容脩竹對蕉

彈

全穆齋夫子五十四首

偉人靈淑自扶輿出入承明廿載餘紫海三山觀地軸
黃扉五色贊天書端凝風度符金鑑著作聲名在石渠
多少黑頭登八座清班領袖有誰如

規外星辰泛使槎水天萬里路歸賒珊瑚但架徐陵筆
蕙政何勞馬援車清節秋高松磔砢文杓夜朗斗橫斜

吳鈞燕駿煩題品應識

宸衷最寵嘉

虛白齋存藁

冰銜集下

十一

甫申自昔賀嵩生百歲平分瑞氣盈吹琯初陽回黍谷
是日正添籌曉日麗蓬瀛暫教六月鯤鵬息旋報三霄
值長至
雨露榮最喜階前森玉樹寧馨勝試綵衣迎
鳳閣鑿坡掃舊痕重慚桃李植公門
昌應乙酉 名試 中書師同閱卷已
丑昌選庶常 師為大教習但高元禮人倫望莫罄孫陽物色恩四座
賓朋趨北海一時翰墨羨西岷此身願作南飛鶴長傍
華筵對綠樽

題應劭齋江村嘯竹圖

江頭翠色白沙村送客曾經月下門合有長吟來抱鄰
天風吹響落芳樽

長嘯彈琴摩詰詩深篁添映水漣漪鳳鸞聲起魚烟雨
彷彿蘇門嶺半時

此間那得此君居潭柘尋遊約總虛
燕京無竹惟潭柘 寺東院一林見朱

竹垞 詩集輸與君家千載樂却教鄉景憶吾廬

自是名園相倚栽抽萌春筍應初雷琅玕實處招雛鳳
不斷清聲破曉來

李母孟孺人節壽

下得溫郎玉鏡臺可堪鸞翮報先摧茹荼歲月長難度
誰說流光不再來
暗著麻衣忍淚痕婆娑堂上老姑存無兒苦鞠大兒子

虛白齋存遺
笑及含飴一弄孫

雪虐風饕兀自持鍊成松柏後凋姿雞皮得道虛傳說
壽在真心獨守時

石窳當年例有封行看綽楔五花濃傳成列女關吾事
合播彤徽記女宗

題程半塘先生竹溪艤權圖

一幅溪山寄勝遊高人落手愛扁舟富春未羨癡黃筆
不貌嚴光在上頭

欲訪遺蹤未有端白雲一去鶴歸難展圖依舊風流在

珍重諸孫手澤完

先生為孝廉
玉麟之祖

題陳青柯比部同年閉門覓句圖

陳侯覓句愛閉門後山於今見替人寫成長幅擲示我
撚髭聳肩同苦辛我聞西江當日圖宗派少陵配食涪

翁在君家一鉢足千秋無復揮豪羨淮海巧遲拙速難
定名所貴意匠工經營徒學鳴蠅向蚓竅豈如風雨可

泣神鬼驚羨君撐腸千萬軸羨君流吻泉百斛沉思翰
薄兩鬥新肯句殘膏沾賸馥柘水灣頭存老屋外稀剝

啄中花木苦吟一榻含毫邈戢戢多於新筍束自從射
策長安居著作不入承明廬已分聲名折官職少年結

習誰能除都官鄭都官梅兩賢輝映未易才得君而三

虛白齋存藁
居後來風雅有體煩別裁莫將年鍛月鍊輕矜許祇恐
他年翻作金華殿中語

題黃西樵相馬圖

江夏人中駒局趣儕參佐羈官南海頭星霜等閒過
軛車北指來長安與予握手開心顏舊圖相馬索題句
五十餘匹筋骨皆天閑自經杜老蘇仙題畫馬後人有
筆敢輕下何況曹韓難再生空向風流羨文雅君今此
圖寄意新意不在馬原在人奚官儘數牽沙岸歷歷賞
識超風塵吾聞良馬盛西北冀野代方大蕃息君官蚤
人龍戶之遐鄉那有考牧攻駒助物色或云君自嗟世無

良樂相期賒駑驥當年偶同阜別求知己辭鹽車或云
君自負相馬金門式在手他年相士將毋同肯逐驪黃
驚牝牡自負則傲嗟則卑傑士未許尋常窺非馬喻馬
自非馬底事以馬喻馬紛紛為寓意不留意此意支公
知相皮相骨無不可未聞地上神駿虛金羈畫工寫真
重佳士吾題君照亦如此

嘗廿四題張桐谷舍人同年望雲歸去圖即送其南旋

至荆省觀

寒籬花發團清芬入關霜雁噉連羣行客傲裘道未就
促書驢券心如焚出圖示我索題句白雲覆屋鋪紛紜

舍人家住虎林側擅名勝地稱榆枌障日峯尖掃翠黛
涵虛波影迴鞞紋踏隄人閒訪仙軾乘濤興發觀忠員
至性生平樂門內采蘭捕鯉晨昏勤含飴重闈廁手弄
嘗甘匝坐叨先分自經西笑走燕市七換鷓蟀隨塵氛
紫薇揮豪對佳詠脩竹應教摛鴻文誰知寸心急定省
歸廬辭闕情殷殷冷曹俸薄少持獻那得千橘同封君
五花制詞手自寫捧回差博顏歡欣吾思舍人得名三
十載早破萬卷橫千軍同輩衮衮盡臺省獨秘虹彩羈
蘭筋天涯與余辱過從傾倒臭味忘猶薰妙語飽聆宗
正始高詞驚賞追皇墳一朝春明把別醜欲挽無計心
先醺吾儕私情安足較菽水貴逮古所云不見圖中縹
緲見親舍鶴髮語笑遙疑聞徑須刀鏤指天末有槎即
釣田即耘會看永愛堂上日底用空望山頭雲

北闈榜發徐五印若曹大青岑周二徵三皆失
解徐為笠山先生次嗣君曹則予都中厚契周
又姻家績學工文而俱躡場屋賦此志感且用

一卷南來冰雪文臨牕把讀却炎氛

君於五月抵都淡
贈予時藝近藁

眉豈屑時粧鬥高曲翻嫌里耳聞嗜古酸鹹餘舊業占
科甲乙等浮雲晚香正愛黃花好且共銜盃對夕醺

慰

虛白齋存書

若甲子年...

去年淮浦掛歸蓬人海重驚蕪若中北野幾曾收逐日

南圖空說待培風君於去夏歸淮上謂今歲準升沉欲

問誰端筴去住相關付轉蓬燒燭引杯豪氣在肯將憔悴

作衰翁慰青岑

五千山驛路逶迤君自甘肅入都應試辛苦其如孤負何青眼尚

慳佳士賞黑頭休惜壯年過縹緲家學流傳急時方謀刊其尊

公學士石帆兒女鄉心撥觸多耐把新鮮花樣看時魁卷已

先生遺集出君反覆展閱頗知君意氣未消磨慰微三

同年孫春巖農部視學滇中

聲華粉署重於山疊見枋文

寵命頒舊跡三巴尋赤甲君於辛卯典蜀試新程六詔指烏蠻

冰壺比潔心常凜蕩節生輝鬢未斑誰說天南萬餘里

王褒曾祀碧雞還

十載長安免索居鹿鳴賦憶論交初星槎喜說三同學

兼指同年范樸亭芝閣慙留一校書時予正克四折柳

低徊春樹遠看花次第夜杯虛近歲同年過舉真率他

年此地重相見應換青驄侍玉除兄以御史記名故云

送楊二治庭南旋

子雲正作賦曾說似相如執戟未聞命草元猶索居升

沉難自料聲價豈終虛為
南歸客高門且著書
五度薊門柳衣塵亦久
緇片帆鏡湖月樽酒復
何時白眼憐時輩青雲
儂後期多君歸去意深
慰倚問思

送曹大青岑還淮安

握手追前事相知亦自
深客牀聯短夢宵燭和
長吟指

舊館行虛前逝水年難駐
如絲鬢各侵衣塵經浣
後嬾

問是升沉

人海君休戀茫茫首獨
搔暗投珠自在寡和曲
逾高穴

蟻驚聞鬥轅駒笑見勞
空煩玉珂送無淚漬青
袍

時輩誇裙屐風流記昔
曾邇來晨夕數怪作老
成稱菊

晚籬香滿松寒嶺翠凝
飽聞經蜀棧險處擬重
登兄數

壯時入

茲夕離樽勸明星望欲
稀一帆隨岸泊片葉逼
秋飛西

笑心猶切南翔路豈違
淮山多桂樹香氣好沾
衣

解州牧李端夫卓薦入
都握手話舊率賦四詩

以贈

舊雨西泠彥才名卅載
餘百篇驚倚馬一職勵
懸魚詞

賦音稀賞循良志獨抒
風流今有屬不藉石渠
書

京輦逢三度相看鬢各
絲頭銜君屢換心跡我
孤羈雨

館催燒燭風亭欠舉卮
惟應懷古詔高與白雲
期

虞鄉古名地人物溯前型宦績河清笑鄉賢葉下亭

木葉下柳文暢句柳解人故州人建此亭政成來薦剡才老驗通經

行幄對揚後欣傳題

御屏

左魚計日縮明陟舊章存善頌及吾輩相須殷

至尊薰風蒲坂曲秋柳薊都門贈別休相哂他年好細

論

祝母張太夫人七十二首

萸囊香對菊花枝正值慈幃設悅時寶鏡自留青玉案

綵衣長舞白雲司日窺夜績勤猶見花待春輿御未遲

此日登堂齊獻頌南山翠巖上金巖

瓊枝粉署足聲華識是西來阿母家

誥鳳將書銜日下封魚有訓寄天涯長齡高築忘憂館

芳醖濃添益壽花聞說鬢絲身正健未須句漏覓丹砂

黃汀洲六十

齊雲嶺上諸峰出奇秀天門連石室舊游仙侶數容成

控鶴駭鸞海雲密地靈合付高人居黃墩里俗敦詩書

晉時賢守遙遙胄持較程朱得比問先生懷寶羞衿銜

舊物青氈此心戀坐擁五車抵百城何須定作金閨彥

六十平頭甲子開早嘗蘭膳步南陔初春花放多晴日

採取當筵竹葉杯
早嘗蘭露走南朝
春華效多朝日
平定兩金川大功告成恭紀七言律詩三十首
圖陳益地軌文同綏靖先憑
睿畧雄黃鉞示威馳徼外
雕弧懸象在天中
渭敗兆合
占非虎涿野師原數有熊
今日蠻髻昭底定劍長何止倚崆峒

玉節金鉦耀

九重當陽

聖主御飛龍直教荒域咸歸版
肯使邊庭暫舉烽
濛海多時寬夜戍花門是處樂春農
還宣

神武開疆後更集

鴻勳慶再逢

西望迢迢沂蜀江
金川畫土隸中邦
頒符夙許稱宣慰
通道何曾隔冉駹
豈謂夜郎成自大
尚傳日逐未全降
南諧北變昇平際
指顧荒籬息吠厖
蝸角交爭左右持
上干聲討動

王師受降金甲勞前度起旅牙璋記昔時
功在銘鏞師
武力法寬弛畧

聖恩慈軀羶生後
猙獰甚輦鼓重聽繫

睿思

虛白齋存
諸番牙錯鎮相依。倣擾無端約法違。猩狒笑啼蹤莫定。
巴渝歌舞俗全非。尋戈屢見戕鄰部。鋌險惟聞構禍機。
扶弱抑強

天子事旄牛。徼外羽書飛。

羈縻州識是唐餘。欲殺原非

帝意初。單騎果傳回。紇帳百蠻應。奏尉佗書好。音畢竟

誰知。革非種由來。不憚鋤。要隘堅礪看。林立疆臣控制

近何如

恩深雨露竟全孤。旅拒顏行熾異圖。復逞跳踉階更厲

相依唇齒。同逋魅形早入

軒轅鑑妖羽。難逃哲族弧。蠢極披猖。播謠諺。維州橋畔
得窺無

參旗井鉞隊俱齊。三尺曾勞上將提。迎陣雲生嚴道外

洗兵雨過漏江西。便教鬼膽先驚破。寧許

天誅或久稽。此日前驅臨大渡。應嗤斧畫算全低

先指靈旗出

帝階嶂高一遣五丁排。謀深剪蔓圖宜早。勢擅摧枯往

自諧。鬥堙已除床畔蟻。窺天真笑井中蛙。試看美諾旋

犁入。梟取封狼置藁街。

虺蜴潛蹤伏草萊。高牙移駐尚徘徊。蜚廉善走身先竄

虛白齋存藁
頡利相援騎忽來事比東隅容暫失軍如細柳信難摧
和門計日聞還定嘯狖啼鵑莫漫猜

赫斯一怒凜如神

簡授元戎討必申封豕豈容輕上國短狐枉欲伺遊人
嚴陳刁斗非常肅別樹旌旄改色新直斬樓蘭圖報
主射聲勁旅並忠純

瑀戈麾日劍凌雲萬帳貔貅集勝軍敵愾盡看騰壯氣
會朝旋報斂游氛指揮令假中權握掎角形無兩翼分
反側再收規進搗先期準擬奏崇勳

天成重阻限平原絕磴懸崖手莫捫嶺雪先冬寒自積

林篁翳日午猶昏玉門關險徒虛語銅柱標遐詎並論
九伐未容寬負固等閒相看作權樊
將將崇升授鉞壇

廟謨密運

聖心殫官占預卜師貞吉樂府誰歌蜀道難問罪聲偕
金鼓震成山米聚

殿廷看岷峨萬里通噓吸不藉陳書蠟一九

龍蛇列陣勢迴環蹴踏偏於鳥道山拔幟呈能資七萃
荷戈効順見諸蠻平添斥堠周防地不盡芻糧絡繹間
如此飽騰新士馬阿誰憑阻說當關

虛白齋存藁
谷噶西橫馬首前崎嶇康薩斷還連峯餘蹠掌千尋削
地到鈎心一線穿摩壘每憑風雨夜舞梯多在雪霜天
相持經歲欣攻克遜克宗原屬最堅
尸呈疏屬計無聊為懾威聲等沃焦造壘縱猶遲面縛
懸旌已自劇心搖千軍橫掃無堅陣百計兼攻見詰朝
記取勒圍清舊窟寒空秋半月明宵
獨松隔水聽鳴鶻絨布通時抵近巢諸道揚鑣經索度
一時破竹盡鋒交兵如洄曲驅馳疾陣應常山首尾包
送喜頻稱傳檄定論功第一視前茅
坎穴窮搜孰計勞

天兵四面已周遭渡河屢看收馴象橫海爭期斷巨鼇
合隊魚麗隨岸濶排空鶴列入雲高定知飛走俱無路
噶喇依空守護牢

飛礮雷礮紫焰多轟摧岌岌窘么麼奪關只待傳三鼓
去塞無由遁六羸延喘勢難憑險惡就禽時恰應中和
皇威到此真丕鬯蒲伏軍門盡倒戈

窮首尺組頸交加梯棧鈎連走傳車作霧蚩尤甘裂髀
血人劉關漫磨牙羣空豺虎腥風息樹散虵蟉醜類譁
想見邊氓觀掃蕩香醪準備有家家

丹旌一騎迅飛黃電激星馳向水長平美全青莽嶺以

上方到日風光傳禁火渡來江水是平羌全清笮徼收

區脫正詣

珠丘望鬱蒼鄭重凝床復揚烈

屬車聞喜

五雲傍

晨披銀匭夜論兵五載機宜

睿斷成非是

帷中操勝算可能闔外重橫行自天快睹樞鈐朗奮地

如聞鼓角鳴應識

宸衷寧得已止戈為武義分明

在穎功宜告牧寧

素王居近企門庭特從

東狩申尊禮祇為西征震濯靈蜀賦漫誇珍珣醬漢烽

永報熄兇零雍容偃武修文會釋奠隆儀邁上丁

躬掖

安輿頌日升天門遠望最高層封巒本陋云亭禪紀歲

常欣海嶽增壽宇介

釐開玉策

徽音歸善麗金繩

慈寧普錫蒼生福嘉會千秋觀未曾

虛白齋子集

水衡集下

二十二

獻俘
廟社煥

宏猷蟻肺蜣肱不暫留渠脅畢來誰漏網神人胥忭為
同仇塵消紫陌翔鴛侶雲護

黃衣
御鳳樓

萬歲聲中徵吉語保寧城本號無憂
薊門楊柳碧森森夾道歸鞭指舊陰五等並班周爵貴

長歌同入漢關深彩毫冠佩光麟閣
赤輅郊圻肅羽林欽至榮傳分玉醴勞還臺上暢

宸襟

烏鼠驅除穴徧揆釐成樂土勸耕蠶屯留校尉千秋利
騎過嫖姚百戰酣不動星躔分井鬼最高驛路置西南
懸知蕃落清寧後雅雨黎風分外甘

親裁凱唱壯珠鈿
睿藻欽將

天筆魚紀石首從鬢序內磨崖遙上翠峯尖燕然舊勒
功徒侈劍閣遺銘義自嚴何似

穹碑萬年壽
文經事史聳觀瞻

明堂坐治賀登成。
詔下雲端木鳳銜。

閩澤更聞周海宇。
稜威早見掃天機。
衢尊徧飲推同樂。
階羽長馴感至誠。
蠡管小臣叨珥筆。
願摠揚頌附琅函。

題宗芥颿孝廉蕩船文學昆季茅屋聯吟圖

把臂長安氣不羣。
詩人十載隔江雲。
披圖今日煩親指。
更識才名有外君。

季真湖曲柳姑祠。
舊宅誅茅共住時。
月道夜深風雨急。
聯床暢好續韋詩。

方城秀語儕王李。
七子當時遞唱酬。
屈指一門真勅敵。
不應重數鳳麟洲。
作賦摩空亦等閒。
池塘夢斷句全慳。
洛中豈少東西解。
未抵家山屋數間。

題沈魚山秋夜讀書圖

槐黃忙踏未塵緇。
花樣新鮮鬥入時。
想見寒窓深夜月。
染衣香在最高枝。

裘馬何曾羨五陵。
蕭齋十笏對秋澄。
校書天祿尋常事。
先試青藜太乙燈。

金壇夫子軍勲茂著世職

恩加殊榮疊被

紀賀四首

天成龍馬作精神二府勤勞萃一身壽世文存謨典貴
凝邦績紀鼎彝新直廬晚退公無暇籌幄晨承
旨最親此日征苗策分北去聲夔龍不媿舜階臣

闔外崇膺五等榮疇庸樞輔繫

皇情勞非汗馬功逾茂令是中書考自明契合真歡魚

水遇賞延永媿礪山盟輕車三命

清時爵闕閱何門得並衡

凌烟高峙

禁垣深伯仲元戎位置欽華袞褒憑

當守錫丹青狀倩擅場臨商霖有兆徵求野越國何功

笑鑄金仰見忠誠字一德千秋生面此時心

翠翎文目耀雙圓掩映鶯黃騎褶鮮上采久推

今代重殊榮頻荷

特恩宣山人衣合規希聖良相冠曾數進賢遭際羣工

誰得似可徒詞苑話爭傳

邱石林太翁七十

懷玉山高翠靄深名家希範舊纓簪窮經學擅緬共富

結駟門榮畫繡臨紫氣欲來瞻柱史青陽永駐識天心

杖朝早荷

恩綸錫柏府蘭階共鬱森

題張栴高侍讀水帶山莊圖

經年人海軟紅多每羨春流上玉河一幅先生故鄉水
并刀剪取浩烟波

由來西澗不通潮剩有詩人落句超輸與高齋春雨後
水窓面面泊輕橈

漣關渡水有名地松果山前幾度經誰識清流遺蹟杳

讓泉又屬醉翁亭

鏡曲垂竿亦有圖

予於去歲曾倩王蓬心居士繪此圖

久拋老屋賀公湖

秋風夜夜江帆峭一樣蘊囊入夢無

任年伯母史太宜人輓詞

子田儀曹之母

西京舊姓史儕許南國名流沈遜任高行已隨門闕著

遺徽不共珮環沉夜闌應下鰥魚泣春去先灰寸草心

太息賢聲與慈訓桂漿陳處月惟陰

校書東觀南宮客曾捧

恩綸五色鮮樹背護齡逾六十維揚鶴路指三千服官

祇為養猶逮以禮真於孝克全

子田熟於三禮故云

歸日臯魚且

制淚陔蘭半在故園邊

鄭八楓人同年擢守溫州因成長句寄贈

永嘉巖壑東南奇著稱始由靈運詩日從登眺寄吟詠

攀林跋石神忘疲尚嫌履齒偶未到龍湫最勝偏相遺
雖云其時屬榛莽靈窟自秘難輕窺何況我生坐繭裏
孤嶼綠嶂愁嶽巖定知山祇笑凡俗越甌接壤空爾為
使君昔罷紫薇直半刺遙縮閩南陲武彞九曲鎮沿沂
遍品官焙嘗丹支琳瑯一編獲緘贈如接遊跼窮巔湄
前歲曾蒙以赴官三載政成待報最辛勤于役星軺馳
諸什彙錄見寄御屏賜對書名姓俄傳遷擢符一麾詩人例得山水郡
風流二始存前規同官者誰乃將詡謂冬杉司馬不孤唱和
侔壘篋遂令謝公後千載高峯百二重尋披年來我媿
伴螢蠹局趣日受他人羈長安話舊客冬事一樽風雪

旋乖離聞君移守喜倒劇純鱸正細思鄉思青鞋布襪
及時辨歸必有田古所嗤即為州民無不可且赴官閣
尋遨嬉此語南鴻急傳述時冬杉司馬以護
課來京事竣回任陳蕃懸榻
須前期

鄭耘門編修同年以家藏

仁皇帝賜其曾祖諭德幾庭先生松花硯見示並索題

句

滎陽編修吾石交才媿羣雅壓流輩丹鉛著作日從事
嬾逐輕肥五陵隊門前剝啄惟素心茗椀薰爐絕塵穢
手持寶硯出示客匣以琉璃間雕繪黝然一片潤而栗

如牙作笏玉為敦窪間小篆金薤披璀璨

奎章銘厥背合座傳觀各斂容心知此物頒時從

大內君乃具言其之曾祖某昔官諭德身早退歲次癸

巳

仁皇萬壽年赴闕呼嵩偕冠佩廟堂自昔重儒臣異數
便蕃獲褒賚翠釜駝峯袞繡衣此硯相於僅其配竹舞
彤墀謝賜回留傳什襲更人代後來守器幸無失

國恩祖德均轉載特陳頌末煩紀述所冀隨風落珠咳
我聞諭德曾乘使者車溯水東西有遺愛清比冰壺直
比繩迄今鄉校子衿然口碑在扁舟歸載同鬱林清

白可遺想風裁宜有一肥榮出

上方貞珉同壽徵保艾

御銘以靜為用
是以永年八字

幔亭仙去

不復還贏得曾元蓬島重津逮子墨翰林舊業存何異
良疇世鋤耒磨研未敢恐致襲合具冠紳肅相對不見
陳留范喬才弱齡遺物手摹動遐慨

烈節棟鄂氏十二首

相國舒公季子舒安之室

貞於松柏馥荃蓀種自油幢節使門習禮明詩生小慣

不因紈綺戀身存

迓歸華閱最焜煌竹帛勲名世系光金管于今饒盛事

更書貞壺弄青箱

虛白齋存書

水衡集下

二十八

勃律天西駐使車尊章那得共庭除尋常定省寧須憶
親度流沙萬里餘
寶鏡鸞迴影忽單春光卅載夢全闌蘭摧蕙隕西風惡
吹向空帷透骨寒
永夜和衣理藥鐺所天何術乞重生愁心倒劇翻含笑
恐撼雙闈老淚傾
埋玉臨觀哀復哀相從便擬赴泉臺一時宰木須連理
為向韓娥塚上栽
堂上淒淒髮欲霜西河餘哽尚迴腸可堪遺事慙慙屬
不願生稱作去聲未亡

邗前一綫幾曾留慘極蒼蒼籲莫酬却與此身除罣礙
九原臨逝省迴眸
絕粒重餐亦暫聽堅心徐與覓灰釘乃翁家法堪千古
成就從容照汗青

畢命朱絲一擲輕芳顏無改凜如生屋梁新上磨鎌月

照到貞魂特地明

時七月四日

典重

旌門詎易叨祇應竒節荷

榮褒草頭幾輩甘求活見否烏頭綽楔高

獨扶名教炳千春上宰親將梗概陳慙愧石渠參著作

只傳寡婦賦安仁

德定圃夫子督漕淮上以京中留別詩寄示謹

次原韻

良覲難久長高懷見話別所感人合離焉知宦工拙夫
子渥

宸睭台階踐清切羣器歸鑪錘衆芳藉蹇擷乍返五羊

駕旋持七閩節飛芻

詔暫理攝篆便南轍遂令岳牧班却步讓儒哲騶從已

首塗津亭乏佳設傾觴集晉賢得句邁唐傑其時春小

小早梅座傍列嚼花復浣手百過誦難輟巖屐幸追陪

門竿媿濫竊安流淮海波如掌薊門雪望望情何窮勝

事付傳說

郭母張孺人六十節壽

令子名長發官欽天監
時憲科精算學奏充四

庫全書纂修專
校天文算書

鬱鬱巖畔松菁菁澗傍竹千尺雪霜封萬竿烟雨沐根

有茯苓蟠葉作琅玕簇皓羽來鶴羣清音聚鸞族緬惟

壽母節松筠同馥郁衾綢斷藁砧盤匝具旨蓄畫傳畫

荻教宵課丸熊讀周藝數並登唐科算為目學在天文

家榮叨博士祿頃逢開冊府九章資輯錄生律重差分

羅胸驗星宿每嘆鯉庭賢益論萱幃淑

虛白齋存藁
天章褒完行坤媪臻諸福繞鄰衣自斑含飴弄初熟請
因節母壽共捧流霞祝亥首積無窮肯使絳人獨

巴母許太夫人輓詩

放麩家世住天都想見飛瓊仙佩殊不奈雲中仍駕鶴
空餐沆瀣作醍醐

揚州明月板橋橫賓從如雲座自盈多少人分陶母饌
一時掩袂說賢聲

五花次第受

鸞封子舍猶存寄鮓供吳會一江歸櫂近不堪望斷白
雲重

鶴算經年邁古稀北堂休嘆失芳菲千秋戴勝誇高宴
暫下西池也合歸

題許大若乾風本圖

曾飫陶家截髭餐卅年光景指重彈披圖今日咸嗚咽
不獨臯魚淚未乾

柳丸歐荻義方存一綫長延詩禮門樹靜風寧那易得
但攜黃卷當招魂

底須祿養炫千鍾不及親存菽水供一事高堂真慰藉
身衣遊子未經縫

薊門驚看鬢將絲已是慈護告謝時根觸舊腸誰似我

虛白齋存書
翰君淚灑故園枝
良木地山大宗伯曹夫子七十敬賦長律三十韻

邦幹乘嘉會耆英華德門勲名漢相裔理學宋儒孫北
斗崇階接西江巨派存石麟摩頂見花管入懷捫展卷
行齊下成文點不煩萬倉充腹笥三峽瀉詞源雲閣先
巢鳳烟溟早徙鯤明經纔象勺通籍遠篋壘騁步清華
地游情翰墨園有人爭御李茲事獨推袁跡豈淹冰署
聲旋起掖垣使星馳直指卿月障更番垂注
宸迴顧超遷

帝沛恩鴻儀覘奏績夔拜慶賜言駿許驂騑索材看杞

梓掄辭班貳卿列正職六官尊喉舌司天密寅清典禮

敦

書闡成教肅

經幄荷綸溫錫福榮

丹筆憑鞍重

紫閣共欽知特達難數寵便蕃杖國椿方茂懸弧夏正

暄厨櫻過薦寢階藥傍開樽矍鑠符神健渾淪得氣元

風生猶謖謖霞舉倍軒軒晚節多餐菊餘芳已種蓀家

禽集鷓鷯庭樹長瑤琨宵酒傾甘醴晨華供潔殮名留

洛中社人望謝公墩松柏齡誰識琅璈曲試翻祝公三

虛白齋存藁
立在千載好同論
賢書領薦憶曾同
廿載光陰彈指中
媿我瑣闈班後點
多君粉署籍先通
頻煩星使馳王路
獨對天庭契
聖衷監察有名膺
觀察子珂送處總
臨風
斗杓朗曜玉衡移
西蜀南滇兩度持
元草自尋揚子宅
碧雞常過漢家祠
聲華合向勤勞重
官職深於

簡畀宜聞說炎方
盛文物春風海外
又頻吹

堂號十賢峰五指
指名流勝地溯經
過昔時蠻瘴全消
盡此去尊嚴獨占
多擬把瓊山作珠
浦貪看蜃市渡鯨
波
舉帷婦稚應迎笑
頰醉檳榔載路歌
相隨折柳薊門邊
南望青山一髮連
別錢勸傾無那酒
便程計上總宜船
故人嶺海多持節
盛事經綸正著鞭
惟有白頭東觀客
不離螢蠹閱流年

題徐惕庵太翁松陰調鶴圖

春帆庶常之令祖

雲彩江聲分外奇
高人勝境兩堪思
鶴翎如雪松千尺
想見蒼顏坐對時

飛來仙羽愛清陰
枝上遙傳曉喚音
不枉著書多歲月
龍鱗已老碧雲深

莎廳熊軾舉帷久
蘭署鸚班珥筆新
都向庭階誇盛事

披圖何物不千春
塵軟東華足未停
鬢絲媿我尚勞形
他時仙驥如堪借
騎向層巖刷袂苓

題徐寶岡年伯家慶圖

鐵崖太史之尊甫

仙人舊宅住蘭芎
移向長安作寓公
許掾全家皆道氣
未妨輕踏軟塵紅

門第江東奕葉高
偉長華胄建安豪
儘多車駟堪容得
階下新傳試錦袍

閒却鳩筇不用扶
齊眉健共把茱萸
分甘纔了含飴又
笑對棲桐衆鳳雛

五常最說白眉良
領取聲名貢玉堂
肯厭著書長閉戶
壺天歲月此中長

宣武門邊多第宅
登堂競喜就循陔
太史新構堂名吹笙為補

白華句蘭膳日調
筵日開夕葵秋樹
舊時身迎養欣逢
祿逮親不媿傳家
稱盛事

帝鄉多少望雲人
椿萱未覺堂前老
芝玉爭看砌下榮
俱圖中景一段丹青踰

顧陸神仙不待繪
蓬瀛蔡家五世仰
前賢佳詠廉夫句
並傳楊廉夫有蔡氏五世家慶圖詩何

似里榮成國瑞合
將畫錦記他年

虛白齋存藁

汪寅清太翁六十 東序編修之尊甫

華鵲單椒秀者英此獨鍾著書消歲月啓座集章逢瑞
氣多森玉哦聲自倚松孤南宵更朗星宿本羅胸
纔舉題糕會欣傳降嶽長杖鄉椿算永華國鳳毛新舞
彩交斑袖歡卮徧搢紳他時過歷下名士舊相親

家中詢余近狀占此荅之

妻老病魔纏官書積案前經年求上藥永夜理殘編鬚
白難勝鑷腸迴更費煎長安乞米慣休問澁囊錢

汪秀峰農部山館十詠

豎儒拘字詁六經不言真豈知老莊書詞牴肯則均葆

之返太初升堂感還淳 葆真堂

焦先堅不語但結河湄庵不語亦奚為所貴功德參仁
者訥而已英華且咀含 訥庵

虛閣拓晴窓長松緬鱗次謾謾微風過寒香落深翠欣
然貞白心雪霜耐高寄 翠香閣

少陵坐處好隨意莓與苔為愛一逕深碧色相徘徊客
來試屐齒合先蓬蒿開 莓逕

道素承儒雅是書即為律萬籤富蒐羅插架齊石室選
充天祿儲然藜下太乙 律素書屋

此心游太虛舒卷隨閒雲飛樓何縹緲勢欲凌高雲上

虛白齋存藁
層發長嘯驚迴鸞鶴羣
嘯雲樓

誅茅宅便成塗墍亦差了彷彿臨江居隔水簇紅蓼持

佐周顛盤風味負塵表
蓼陽茨室

運風培圖南猶以六月息失馭不知止力竭遭傾側靜

為動之樞澄觀自在得
息軒

屋小樓閣連稍遲上明月中庭步未寢風露清肌骨先

得讓岫高光明二般窟
待月移

九仞期及泉灌溉成膏腴園中足嘉種卉潤蔬不枯用

汲並受福無為滌食虞
澤花腴菜井

送姚姬川前輩乞假南旋

先生司白雲舒卷何綽綽被

詔紬遺編迴翔石渠閣研搜日以積巨手歸著作一朝

謝朋簪長揖就林壑子墨方滿堂相看咸錯愕先生才

衆推觀摩欣有託胡舍鶴鳴和而效鷓飛卻繾綣明發

懷謀遂循陔樂茲事根至性凡情巨能度側聞龍眠莊

秀絕樅陽郭到時御輿輿流覽傾鑿落直擬圖家慶非

止脫塵縛明星耿離筵蹉跎阻歲籥及今春漲好催解

潞河索我抱乞米憂鄉夢頗不惡相送踰春明匏繫增

落拓

大宗伯德定圃夫子六十壽詩五十韻

虛白齋存藁
姬雅歌馮翼虞書贊股肱緯經材大備敷歷任全勝在
國重熙洽吾師邁會興勝衣塞碧藻弱冠啖紅綾華蓋
看星逼瀛洲與路登詞源傾瀝液藝圃闢榛芴班馬鴻
裁續曹劉健筆凌珍圖披玉躡祕冊貫金繩眎草
鑿坡直陪游豹尾乘迴翔安序進清切覩先升自奉輶
車使頻將玉尺憑春官植桃李秋賦貢賢能洪冶鑪生
燄虛堂鑑貯冰形惟區黑白派肯混淄澠閑駟多經選
潭蛟亦受罾簇蹄隨電逐燒尾待雷騰瞻斗唐韓愈登
門漢李膺
宸衷屬毗倚

天語大褒稱瑣闥成勞積台階峻秩增六卿資領職三
省慶簪朋槐市無塵處蓬山最上層金貂榮近侍赤棒
肅中丞旌節舒瓊蕊封圻列繡旆露枝重嶺桂雲翻九
霄鵬開幕羊城始宣綸閩嶠仍鷁舟催曉鼓鷺堠宿宵
燈去碣思何已移幢望復凝淮黃行暫駐飛輓乏兼承
巨舸千帆穩安流一帶激位崇常抑抑績懋益兢兢週
甲禘逾健生申數自應松筠堅比操景慶瑞偕徵鈴閣
風傳籟簾櫳月就絙吹筩諧律呂占象得咸恒師母亦
壽六十
興慶班行屢文宣署號曾蘭芬感天使麟頂驗神僧案
舉搖仙佩弧懸對月朏祥飈歸橐籥寶氣溢緘縑夏果
虛白齋存藁

員邱李秋盤淋沼濞嘉辰逢日永好景記霞蒸綠綺絃
徐撥烏皮几共凭壽杯擎掌露歡曲寫溪藤

殊錫從三殿從游遍五陵觀河驚浩渺望岱識峻嶒賤
子侔凡鳥迂情甚凍蠅門墻容請席衣鉢及擔簦屐遠
欣隨謝香留敬奉曾據鞍憑欵段珥筆傍觚稜稱兕情
方切雕蟲技敢矜臨風日延佇初旭指東昇

盧母張太恭人八秩抱經學士之母

峰高天姥女宗居輝映彤編荼苦餘韋幔煖披春晝永
柳九勤課夜窻虛丙方星見剛徵壽亥字年逢恰稱書
今年歲次在亥合敬華筵觴鶴髮頭廳座上饌江魚

題王達溪明府哀哀吟卷後

臯魚風木怨偏多聽徹哀音廢蓼莪語鶴夜歸華表月
啼猿秋冷洞庭波從知欲報恩無極但恐傷生孝奈何
棖觸終天舊時恨麻衣衝雪渡黃河余於庚辰冬在都
聞內艱歸里迄今
已閱十三載矣讀兄詩
不禁涕泗之交頤也

送王尹齋前輩出守懷慶二首

青箱家世重燕陲味比醇醪宇比芝麗句早留紅藥省
清聲高壓白雲司名邦出典榮新授宥府同趨話舊時

指共直十載追陪情不淺薊門烟柳看絲絲

風景覃懷古冀州幾多驛路快鳴騶臺烏未羨依朱博

先生本以竹馬先聞迺細侯到日渡河無恙水

時方塞河決

公餘望嶽最高樓龔黃報績循良事好副書屏
主眷優

題孔篤齋儲公桐陰清暑圖

湯沐長安邸第光清芬奕葉覩升堂合饒雛鳳雙棲穩
百尺高枝陰正長

碧陰深處絕纖埃神妙毫端玉樹栽自有杏壇童冠樂
不須圖取此風來

題張八笠城玉枕蘭亭帖石

阿兄真有蘭亭癖佳本珍收四十餘復向長安購斯刻

果然片石抵璫璣

元摹宋刻總傳聞詳溯源流亦太勤此事業經歸考訂
敢將聚訟再紛紜

二銘軒內多晨夕手搨番番贈素心我說道人原未廢

閒來烟楮遍衣襟

張自號廢道人

細審鬚眉殊逼真當年瀟灑出風塵

石背有石與君別

有千秋感同是山陰道上人

題同年劉八淑庵農部秋樹讀書圖

夕葵負米昔曾憶秋樹讀書今尚堪波始洞庭木微脫

此時好景楚江南

虛白齋存書
粉署歸來興有餘寒窓結習未銷除勸君葉落不須掃
怕換頭銜作校書

郭編修凌川以任主事松齋墨蘭畫篋見示因

題二絕句

蕭疎幾點幽芳質此筆寧輸擇石翁

謂錢少宗伯

能事于何

工辨取鬱盤萬卷在胸中

空谷生來誰見尋偶然寫取屬同心清風披拂故人到

中有白駒金玉音

二君皆余已丑同年

新安曹君侶

壩

在河南時有慎陽令劉君罷

官負重累曾初與識面即傾囊金三千助之事

遂得釋未幾劉捐館舍嗣子貧乏劉單父人閱

十年曹策騎至墓下舉券焚馬並紀詩四首以

誌存歿之感其事有足多者余于長安晤曹君

因為次韻

何必今人異古時拯危罄贈橐中貲論交爾日初傾蓋

媿殺平生說故知

依人窮鳥向懷投緩急真須代箸謀想見雲天高誼在

慨慷不望後來酬

當時虛牝擲黃金十載重泉地下心宿草離離來燼券

霜天野火照寒林

此事真堪千載留
長安識面羨風流
他時我約訪君處
漂母祠前一繫舟

君僑寓淮安故云

題陶少府秋江垂釣小照

折胥官罷便思仙
重踏紅塵亦偶然
客裏寫真煩好手
泥人鄉景鑑湖邊

雲門東去是君家
隱約江邨傍白沙
者處烟波多釣客
朝來入市盡魚鰕

一幅秋江剪取時
芙蓉如粉竹如絲
料量漁具應無數
細檢松陵唱和詩

經年人海尚悠悠
如許鬚眉自由不
枉舊盟鷗鷺在

抽身先看 在槎頭

銅硯歌為家念湖進士賦即送其之官蓬萊

念湖銅硯原非銅
端州秀質紛青紅
光晶既著圭角去
不獨浸潤兼磨礪
巧匠尚虞山骨損
冶金包裹資考工

試觀其外已奇絕
土花斑駁星熊熊
何況硯材世希有
潛璞作氣成長虹
形樸既古製復異
流傳人代焉能窮

自埋塵壤遭啣蝕
蕭蕭易水纏悲風
珠光劍氣謙長閔
再荷拂拭由耕墾
當年同瘞賴泉布
紀號元祐宣和中

硯為易水畔農人掘地所得旁有瘞錢皆元祐宣和政和年號
是硯要為北宋物
以彼

定此將母同宰官
身住長蘆側
詩筆雙擅騷壇
雄手攜

此物喜倒劇川珍第一之房充鼠鬚麝煤肯輕試洗滌
屢約王褒僮齋間楹額藉新換勝事傳說增談叢我思
宣和繪圖稱博古羅列彝鼎邱山崇萬夫輦石起艮嶽
禁園隨處堆玲瓏轉瞬北轅馬生角等閒散失隨蒿蓬
硯在爾時韜藏良有以摩抄已分長作雲烟空何期今
日落君手密置行篋歸牢籠外寒中泐交益固如辨筍
虞憑旋蟲君今出宰東海東用資判牘明而公爲儒爲
吏理則通護持至寶煩神功蓬萊閣上慎無輕展視直
恐海畔驚起蛟龍宮

陳立巖年伯六十 永齋殿撰之尊甫

秀宇鍾吳會靈書守洞庭輝占少微朗道重太邱型密
理圭藏璞奇銚刀發硎羅胸成宿列吹氣卽蘭馨竹箭
原南國鯤鵬合北溟當途迎疑倒長者過車停居自安
元白心非慕紫青高風殊邁俗舊德大傳經瀛島圖唐
代江都策漢廷名堪儕二宋迹已駕雙丁

鸞誥殷承志鳩筇賀錫齡齊眉依案玉周甲指階奠鱗
老餘松幹身輕儼鶴形喜開瑤水宴謝勒草堂銘綵袖
翩文藻芳卮溢淥濡南飛慚獻曲遙望德門星

李厚齋太翁七十

企躡耆英侶風流足典型仙根光奕葉人楷擅遺馨練

達存遲日聲華自妙齡
摘詞五花燦稽古一燈青
韜彩龍占蟄雄談鼠辨
鼯超羣賡白雪對客寫
黃庭劍躍希全埽鐘瘖
恥寸莛江臯輟蓮社嶺
表上楓亭煮海夷吾
莢謀生少伯經紵衣交
淡蕩珠履坐晶筵望合
躋鶴序身看鍊鶴形鏡
菱高作案階玉繞為屏
春小梅先發筵長琰不
停雙鳩欣杖國攜指極
南星

京中
對主
長琰
不
停
雙
鳩
欣
杖
國
攜
指
極
南
星

